

Expediente nº: 87/2018

Informe-Proposta de Secretaría-Intervención

Procedemento: Peche e Liquidación do Orzamento

Asunto: Aprobación da Liquidación do Orzamento do exercicio 2017

Documento asinado por: A secretaria-interventora

INFORME-PROPOSTA DE SECRETARÍA- INTERVENCIÓN

En relación co expediente relativo á Aprobación da Liquidación do Orzamento, emito o seguinte Informe-Proposta de resolución, de conformidade co establecido no artigo 175 do Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, con base aos seguintes,

ANTECEDENTES DE FEITO

1º.- O artigo 191 do Real Decreto Lexislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais (TRLRFL), esixe que as entidades locais liquiden os seus orzamentos con referencia a data 31 de decembro do ano natural correspondente.

2º.- A Orde HAP/1781/2013, do 20 de setembro, pola que se aproba a Instrución do Modelo normal de contabilidade local (IMNCL), establece que as contas anuais que debe render o Consorcio, elaboraranse seguindo o establecido no Plan Xeral de Contabilidade Pública adaptado á Administración Local, e axustaranse aos modelos que no mesmo inclúense, e que esixe que o Estado de Liquidación do Orzamento estrutúrese do seguinte modo:

1. Liquidación do orzamento de Gastos.
2. Liquidación do orzamento de Ingresos.
3. Resultado orzamentario.

Igualmente, o artigo 93.2 do Real Decreto 500/1990, do 20 de abril, polo que se desenvolve o Capítulo primeiro do Título sexto da Lei 39/1988, do 28 de decembro, Reguladora das Facendas Locais, en materia de orzamentos, establece que como consecuencia da liquidación do orzamento deberán determinarse:

1. Os dereitos pendentes de cobro e as obrigacións pendentes de pago ao 31 de decembro.
2. O resultado orzamentario do exercicio.
3. Os remanentes de crédito.
4. O remanente de tesourería.

3º.- De conformidade co disposto no artigo 112 da Lei 40/2015, de 1 de outubro, de Réxime Xurídico do sector Público “1. Os consorcios estarán suxeitos ao réxime de orzamentación, contabilidade e control da Administración Pública á que estean adscritos, sen prexuízo da súa suxeición ao previsto na Lei Orgánica 2/2012, do 27 de abril. 2. A efectos de determinar o financiamento por parte das Administracións consorciadas, teranse en conta tanto os compromisos estatutarios ou convencionais existentes como o financiamento real, mediante a análise dos desembolsos efectivos de todas as achegas realizadas....4. Os consorcios deberán formar parte dos orzamentos e incluírse na conta xeral da Administración Pública de adscrición”.

CONSORCIO PARA LA PROMOCIÓN DE LA MÚSICA

Os Estatutos do Consorcio para a Promoción da Música (DOGA Núm.47, de data 8 de marzo de 2006) establecen (art.2º) que o Consorcio goza de personalidade xurídica propia para o cumprimento dos seus fins, con suxeición ás leis e ao disposto nestes estatutos, de conformidade cos artigos 87 da Lei 7/1985, do 2 de abril, Reguladora das Bases do Réxime Local, o artigo 110 do Real decreto legislativo 781/1986, do 18 de abril, polo que se aproba o Texto Refundido do Réxime Local e artigos 149 e seguintes da Lei 5/1997, do 22 de xullo, de Administración Local de Galicia.

Con todo, o Consorcio “considérase unha unidade institucional pública dependente do Concello da Coruña e clasifícase dentro do sector Administracións Públicas”, en palabras da IGAE. Figura no Inventario de Corporacións Locais no Concello da Coruña a data de xaneiro de 2014. Neste recóllese dentro do sector Administracións Públicas ao Consorcio, establecendo que a administración de dependencia é o Concello da Coruña.

O Consello de Contas de Galicia, en escrito de data 2 de xuño de 2016 (Rex. Entrada núm. 1284, de 06/06/2016) comunica ao Consorcio que “Aberto o prazo para a rendición da Conta Xeral do exercicio 2015, primeira na que resultará de aplicación o novo réxime dos Consorcios segundo o previsto na Disposición final segunda e disposición transitoria sexta da Lei 27/2013, do 27 de decembro, de Racionalización e Sustentabilidade da Administración Local (LRSAL), e tras a solicitude de certificación de adscrición realizada polo Consello de Contas en data 21 de xaneiro de 2016, o Consorcio para a Promoción da Música quedo adscrito á entidade Concello da Coruña – P1503000J e que por tanto a conta xeral do mesmo debe ser remitida formando parte da Conta Xeral da entidade de adscrición”.

En consonancia co anterior, a Liquidación do Orzamento do Consorcio do exercicio 2017 deberá ser incluída na Liquidación do orzamento do Concello da Coruña para o que deberá ser remitida ao Concello para a súa aprobación polo seu presidente e para os efectos previstos no artigo 193 do TRLRFL.

4º.- En cumprimento do preceptuado no artigo 191.3 do TRLRFL e no artigo 90.1 do Real Decreto 500/1990, do 20 de abril, a liquidación debe ser informada pola Intervención do ente local, considerándose que se axusta a dereito, o expediente de liquidación formado (Exp. 87/2018).

5º.- Conforme o artigo 6º.7 dos Estatutos do Consorcio (DOGA nº 47, do 8 de marzo de 2006), o órgano competente para aprobar a liquidación é o Presidente do Consorcio.

6º.- De conformidade co establecido no artigo 112.4 da Lei 40/2015, do 1 de outubro, o artigo 193.4 do TRLRHL e o artigo 6º.7 dos Estatutos do Consorcio, unha vez aprobada a liquidación polo Presidente do Consorcio, deberá remitirse ao Concello da Coruña para que poida ser incluída na Liquidación do orzamento da devandita Entidade para a súa aprobación polo seu presidente e darase conta á Xunta de Goberno na próxima sesión que celebre.

7º.- O artigo 193.5 do Texto Refundido da Lei Facendas Locais, obriga ás entidades locais a remitir copia da súa liquidación á Administración do Estado e á Comunidade Autónoma.

8º.- É de aplicación así mesmo, o disposto con carácter xeral no artigo 175 do Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais.

CONSORCIO PARA LA PROMOCIÓN DE LA MÚSICA

En consecuencia cos feitos e fundamentos de dereito expostos procede a seguinte:

PROPOSTA DE RESOLUCIÓN

1º.- Aprobar a Liquidación do Orzamento do exercicio 2017 segundo preséntase formada pola secretaría-intervención, na documentación adxunta, co seguinte detalle:

a. Resultado orzamentario

Resultado Orzamentario a 31/12/2017					(en euros)
	Dereitos Recoñecidos Netos	Obrigacións Recoñecidas Netas	AXUSTES	RESULTADO ORZAMENTARIO	
a. Operacións correntes	9.295.122,27	8.806.706,20		488.416,07	
b. Operacións de capital	0,00	18.877,50		-18.877,50	
1. Total operacións no financeiras (a+b)	9.295.122,27	8.825.583,70		469.538,57	
c. Activos financeiros	29.145,00	29.145,00		0,00	
d. Pasivos financeiros	0,00	0,00		0,00	
2. Total operacións financeiras (c+d)	29.145,00	29.145,00		0,00	
RESULTADO ORZAMENTARIO DO EXERCICIO (I=1+2)	9.324.267,27	8.854.728,70		469.538,57	
AXUSTES :					
3. Créditos gastados financiados con remanente de tesourería para gastos xerais			100.000,00		
4. Desviacións de financiamento negativas do exercicio			100.000,00		
5. Desviacións de financiamento positivas do exercicio			0,00		
TOTAL AXUSTES (II=3+4+5):			200.000,00		
RESULTADO ORZAMENTARIO AXUSTADO (I+II)				669.538,57	

b. Remanente de Tesourería

Remanente de Tesourería					(en euros)
	2017		2016		
1. (+) Fondos líquidos		1.519.221,47		948.311,58	
2. (+) Dereitos pendentes de cobro		325.687,31		485.819,36	
(+) do Orzamento corrente	116.164,35		298.908,87		
(+) de Orzamentos pechados	171.938,50		156.938,50		
(+) de operacións non orzamentarias	37.584,46		29.971,99		
3. (-) Obrigacións pendentes de pago		493.727,79		529.143,54	
(+) do Orzamento corrente	273.015,59		336.809,40		
(+) de Orzamentos pechados	6.231,44		7.714,08		
(+) de operacións non orzamentarias	214.480,76		184.620,06		
4.- (+) Partidas pendentes de aplicación		0,00		163,17	
(-) cobros realizados pendentes de aplicación definiti-	0,00		0,00		
(+) pagos realizados pendentes de aplicación definiti-	0,00		163,17		
I. Remanente de Tesourería Total (1 + 2 - 3 + 4)		1.351.180,99		905.150,57	
II. Saldos de dubidoso cobro		153.938,50		99.767,50	
III. Exceso de financiamento afectado		0,00		100.000,00	
IV. Remanente de Tesourería para Gastos Xerais (I - II - III)		1.197.242,49		705.383,07	
V. Saldo de obrigacións pendentes de aplicar ao Orzamento a 31 dec.		213.201,20		15.550,86	
VI. Saldo de acredores por devolución de ingresos a 31dec		0,00 €		0,00	
VII. Remanente de Tesourería para Gastos Xerais Axustado (IV-V-VI)		984.041,29		689.832,21	



CONSORCIO PARA LA PROMOCIÓN DE LA MÚSICA

2º.- Remitir copia da liquidación ao Concello da Coruña para que poida ser incluída na Liquidación do orzamento da devandita Entidade para a súa aprobación polo seu presidente e dar conta á Xunta de Goberno na próxima sesión que celebre.

3º.- Remitir copia da liquidación e do presente decreto á Xunta de Galicia e Ministerio de Economía e Facenda.

A secretaria-interventora
Olga Dourado González

DOCUMENTO ASINADO ELECTRÓNICAMENTE